

3287


Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-03786/20
Sarajevo, Septembar 09. 2020. godine



Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
SARAJEVO
(Na pažnju, predsjedavajućeg, Mirze Čelika)

Predmet: *Odgovor na zastupničko pitanje broj: 01-04-32187-48/20 od 26.08.2020. godine postavljenu od strane zastupnice Neire Dizdarević - dostavlja se;*

Kantonalna uprava za inspekcijske poslove Kantona Sarajevo, dana 31.8.2020.godine zaprimila je zastupničko pitanje postavljeno od strane zastupnice Neire Dizdarević na 28. Radnoj sjednici Skupštine Kantona Sarajevo, održanoj dana 20.08.2020.godine u okviru tačke Dnevnog reda "Poslanička /zastupnička pitanja, inicijative i odgovori, a u skladu sa Poslovnikom Skupštine Kantona Sarajevo koje glasi:

" Kantonalna uprava za inspekcijske poslove, odnosno njeni inspektori u stambenoj oblasti u svojim inspekcijskim nadzorima djeluju pokretanjem prekršajnog postupka izdavanje prekršajnog naloga upravniku i njegovom odgovornom licu, također postupaju na način da za utvrđenu nepravilnost djeluju pokretanjem prekršanog postupka dostavom zahtjeva nadležnom sudu. Molim da mi se pojasni razlika između ova dva postupanja, njihov zakonski osnov, te zašto inspektori u jednom nadzoru djeluju izdavanjem prekršajnog naloga, a u drugom pokretanjem prekršanog postupka dostavom zahtjeva nadležnom sudu, čak za jedne, te iste utvrđene nepravilnosti."

U vezi sa postavljenim zastupničkim pitanjem daje se sljedeći odgovor:



web: <http://kuip.ks.gov.ba>, mail: kuip@kuip.ks.gov.ba
Tel: + 387 (0) 33 770-100 (centrala)
+ 387 (0) 33 569-870 (direktor)
Fax: + 387 (0) 33 770-151, + 387 (0) 33 569-890
Sarajevo, Aleja Bosne Srebrene bb

Člana 22. Zakona o inspekcijama Kantona Sarajevo ("Službene novine Kantona Sarajevo" br. 2/17) propisana su ovlaštenja inspektora između kojih je stavom 1. tačka 1) propisano, da je inspektor ovlašten da "izda prekršajni nalog i podnese zahtjev za pokretanje prekršajnog postupka".

Izdavanje prekršajnog naloga je regulisano odredbama člana 54. Zakona o prekršajima Federacije Bosne i Hercegovine ("Službene novine Federacije Bosne i Hercegovine br. 63/14) na način da je propisano: "Ovlašteni organ izdat će prekršajni nalog ukoliko ustanovi da je prekršaj iz njegove nadležnosti utvrđen na jedan od sljedećih načina:

1) neposrednim opažanjem od ovlaštene službene osobe prilikom inspekcije, nadzora i pregleda, kao i uvida u službenu evidenciju nadležnog organa, kao i druge službene dokumentacije koje je pravno ili fizičko lice koje obavlja samostalnu poslovnu djelatnost - obrt dužno voditi, odnosno imati u skladu sa zakonom ili službene zabilješke ili pisane prijave drugih ovlaštenih organa;

2) na osnovu podataka dobijenih upotrebom uređaja za nadzor ili mjerenje;

3) prilikom provođenja inspeksijskog ili drugog nadzora, pregledom dokumentacije, prostorija i robe, ili na drugi zakonit način ili na drugi posredan način na osnovu izvršenog nadzora ili izvještaja drugog ovlaštenog organa ili


4) na osnovu priznanja okrivljenog o izvršenju prekršaja pred ovlaštenim organom na licu mjesta počinjenja prekršaja ili u nekom drugom sudskom ili drugom postupku.

(2) Prekršajni nalog može se izdati samo u slučajevima kada odgovarajući zakon ili drugi propis određuje fiksnu novčanu kaznu, kada novčana kazna može biti izračunata korištenjem matematičke formule, ili kada ovlašteni organ odluči izreći minimalnu novčanu kaznu, odnosno zaštitnu mjeru u najkraćem trajanju ili zaštitnu mjeru oduzimanja predmeta određenu takvim zakonom ili drugim propisom.

(3) Ako okrivljeni izvrši više prekršaja u sticaju, tada ovlašteni organ može prekršajnim nalogom izreći jedinstvenu novčanu kaznu primjenom člana 24. ovog zakona, a ako je za samo jedan od izvršenih prekršaja predviđena zaštitna mjera, može izreći i tu zaštitnu mjeru u najkraćem predviđenom trajanju.

Shodno članu 54. stav 2. Zakona o prekršajima inspektor može izdati prekršajni nalog i izreći minimalnu novčanu kaznu koja je u skladu sa Zakonom o upravljanju zajedničkim dijelovima zgrade ("Službene novine Kantona Sarajevo" br. 19/17 i 17/18) propisana za upravnika 2.000,00 KM, za odgovorno lice upravnika 1.000,00 KM, a za PEV-a i etažnog vlasnika 200,00 KM. Pored toga ako je prekršaj počinjen u sticaju inspektor može izreći jedinstvenu novčanu kaznu koja mora biti veća od svake pojedinačne utvrđene kazne, ali ne smije preći zbir utvrđenih kazni.

Iz prednjeg proizilazi da je ostavljena mogućnost ovlaštenom organu, odnosno postupajućem inspektor, da na osnovu utvrđenog činjeničnog stanja izda prekršajni nalog ukoliko se odluči izreći minimalnu novčanu kaznu ili, ukoliko cijeni da je za učinjeni prekršaj potrebno izreći veću kaznu od minimalne podnese zahtjev za pokretanje prekršajnog postupka nadležnom sudu koji nakon provedenog postupka i utvrđenog činjeničnog stanja, primjenom pravila o odmjeravanju kazne, može izreći kaznu u granicama između posebnog minimuma i posebnog maksimuma propisane kazne.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890


Sarajevo, Aleja Bosne Srebrene bb

Na osnovu naprijed navedenog, a ovisno od utvrđenog činjeničnog stanja, ukoliko postupajući inspektor cijeni da je za učinjeni prekršaj potrebno izricanje minimalne novčane kazne izdaje prekršajni nalog, a u suprotnom podnosi zahtjev za pokretanje prekršajnog postupka.

S poštovanjem,

Dostaviti:

1. Predsjedavajućem Skupštine KS
2. Sekretaru Skupštine KS
3. Sekretaru Vlade KS
4. Arhiva



DIREKTOR

Fahir Halilović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb